

Negoshinan chikito y sin permiso ta creando perdida grandi pa futuro di Radisson Hotel



ORANJESTAD (AAN): Mark Lyttleton Frances General Manager di Radisson Hotel, ta sumamente preocupa cu ultimo desaroyonan cu tin riba e beach dilanti di e hotel, caminda ya tin indicacion cu turistanan no kier sigui bin na e hotel, pa falta di control y abuso cu nan ta ser confronta cun'e, ora cu nan ta riba beach

turistanan cu lo kier ripiti nan vacacion e siguiente aña tanto na Aruba como e hotel mes. Presencia di 'vendedores' riba e beach dilanti di e hotel, a bin ta creando situacionnan cu a cuminsa afecta estadia di turistanan cu ta paga basta placa pa keda den e hotel, mientras cu esunnan mes cu ta causa e molester aki, no

ta totalmente for di control, esun cu tin cu carga cu e daño mas grandi, ta e hotel mes cu ya caba den ultimo 18 luna, a bin ta ricibiendo hopi keho tanto for di hendenan cu a keda na e hotel como otronan cu ya a haci reservacion pa bin hospeda na Radisson, puntrando si e situacion riba beach dilanti di e hotel a wordo atendi y resolve.

Lyttleton a sigui muestra cu ningun momento e hotel ta contra otronan haci negoshi, pero na momento cu e negoshinan aki ta causando daño serio na interesnan di e hotel, e ta bira e ora un problema serio y grandi.

Turistanan cu ta yega cu barconan crucero, kier pasa algun ora na beach y ta bin

huur parasol for di e dos vendor na e sitio di cual uno tin permiso y e otro no, cu pa colmo solamente tin permiso pa huur solamente cierto cantidad di esakinan pero tambe tin trahadonan ilegal, caminda algun hasta ta bende droga y e hendenan aki ta mescla cu esunnan cu ta hospeda na e hotel, creando situacionnan cu no ta placentero pa e turistanan cu ta keda na Radisson Hotel.

"Pa duna un ehempel di e situacion cu tin dilanti beach na Radisson mi por muestra cu vendor A ta na un distancia di 30 pia for di vendor B y nan no ta gusta otro.

Vendor A no tin permiso pa parasol, vendor B tin permiso pa 15 parasol. Di 15 parasol esaki ta bira 50 permiso pa motibo cu pasaheronan di cruceronan ta sigui yega na e beach pa pasa algun ora, cu ta produci placa bruto, y e ora vendor A ta dicidi cu e no tin permiso pa parasol pero ta dicidi cu e tambe ta bay pone 10 parasol y prome cu bo ripara, tin mas cu 100 parasol habri riba e beach y ora cu no tin mas espacio, e parasolnan aki ta wordo buta entre e palapanan di e hotel y ora cu no tin mas pa huur, e turistanan crucero ta dicidi di bay sinta bou di e palapanan, sin problema algun.

Pa uzo sanitario nan ta drenta lama pa haci nan necesidadnan y tur hende ta mira esaki, nan por cambia bruki di muchanan, haci nan necesidad den lama y tur esaki tur hende ta mira y polisnan tambe ta mira esaki, y apesar cu nan ta haci nan esfuerso maximo, e situacion

ta sigui for di control," sr Lyttleton a muestra.

E gerenta di Radisson a sigui muestra cu e situacion aki a bin ta afectando e hotel seriamente y e situacion a bin ta empeorando e ultimo 18 luna y cu e hotel a bin ta ricibi centenares di carta di clientenan cu recientemente tabata na e hotel y a mira tur e cosnan aki y tambe di otronan cu ya a haci reservacion puntrando riba e situacion cu nan a tende di dje, ya cu esunnan cu a pasa den e cosnan aki, ta pone nan remarcacion riba medianan social y otronan ta lesa esaki. Esunnan cu a haci reservacion pa ripiti otro aña ta manda informa cu nan lo haci uzo di e reservacion aki, apesar cu e hotel ta brinda nan un anochi gratis ya cu nan no kier pasa den e situacion cu nan a mira y pasa aden.

"E hendenan aki ta saca potret, ta pone esaki riba Facebook of Twitter y mas hende rond mundo ta haya sa di esaki y nan no kier wordo confronta cu e situacion aki durante di nan periodo di vacacion," e gerente general a declara.

Fuera di e problema cu a parasolnan y turistanan crucero causando incomodidad pa clientenan di e hotel, sr Lyttleton a muestra cu vandalismo y benta di droga riba beach, tambe ta afectando interes di e hotel aki y e hotel a bin ta sinti e efecto di e problema aki den su entrada y si no tin solucion, esaki lo causa problema pa trahadonan di e hotel cu lo por perde nan trabou den futuro si e situacion sigui deteriora.



dilanti di e hotel, gosando di nan vacacion.

Sr Lyttleton a muestra cu e falta di control eficiente, implementacion di reglanan estricto, por alivia e problema aki, cu si e continua den e ambiente actual cu tin, e lo causa daño grandi pa

ta gasta mucho ya cu nan ta mas tanto turistanan cu ta na Aruba pa un dia cu barconan crucero.

Tin vendedores cu tin permiso y otro cu no tin permiso pero na momento cu sigui permiti e situacion cu tin na e momentonan aki, cu